

Cu e reaccion di Ministro Booshi Wever ta parce cu e kier pa trahadornan core trucknan sin cu nan ta gekeurd, pues

Ministro Booshi Wever ta propaganda actonan contra ley!

ORANJESTAD(AAN)— Segun Sra. Magaly Brito, president di SEPPA, e tactica pa ki ora cu un persona, un instancia i/o sindicato ta contra e ponencia di Ministro Wever of un cualkier otro guberntante y ya caba ta start un campaña of cu "ofishi bieu" di atake, ta conoci caba pa S.E.P.P.A..

Pero loke Gobernantenan no ta caba di compronde ta e argumento infantil di trece e aspecto/color politico den henter e asunto aki, ya a ser treci a ser treci asina tanto biaha padilanti cu e tin tur hende cansa y no ta convence ningun hende.

E reaccionnan infantil aki ta asina conoci pa S.E.P.P.A. (=trahadornan) cu tabata e propio trahadornan cu a spierta tur hende di e reaccion aki.

Trahadornan mes a rechaza esaki y a dicidi cu pa e accion di protesta aki: "no tin cuenta di politica".

Cu e reaccion di e Ministro Wever, e trahadornan ta recorda loke tabata nan propio palabranan di rechaza contra cualkier atake di indole politico.

S.E.P.P.A. (=trahadornan) no tin mester di hasi wega politico, ni purba convence ningun trahador pa ta pro ni contra ningun dunador di trabao. S.E.P.P.A. a duna tur trahador tur tempo pa nan mes realiza kiko ta pasando, y ta pesey mes no ta

solamente na Serlimar pero tin hopi otro lugar di trabao cu trahadornan ta tumando decisionnan pa para pa nan derechonan.

Ta bon pa tur hende compronde cu e reunion cu dirigenten di SEPPA a atende cu trahadornan di Serlimar a ser pidi ya pa basta dia caba door di e trahadornan.

Y ta e propio trahadornan kendenan a dicidi den e reunion sosten cu "no ta corre e truck tanten cu esaki no ta den optimo condicion!!"

Trahadornan tambe a fada di indica e "fayonan" y cada biaha tur cos ta keda mescos. Loke Ministro Wever no ta compronde ta cu loke ta pasando cu e Trucknan no ta correcto ni pa e Serlimar, ni pa e Seguridad di e trahadornan pero tampoco pa e Servicio cu mester brinda na pueblo.

Cu S.E.P.P.A. i/o trahadornan (y hopi di esakinan cu ta apoya e propio Ministro Wever) tabatin pasenshi ta keda un hecho, pero ta parce tambe cu S.E.P.P.A. a ganja rabia so cu ya e Ministro a spanta.

Acaso Ministro Wever sa cu e situacion aki tin mas cu un anja andando y cada biaha ta keda di drecha e trucknan y nada ta sosode ?? Verdad ta cu trahadornan tambe tabatin pasenshi pa warda demasiado tempo, y confia cu ta drecha e trucknan.

E asunto aki a yega asina leuw cu trahadornan ta haya BOET pa motibo di ta corre cu e TRUCKNAN di Serlimar y ta su Number ta ser danja na Ministerio Publico. Ta masha simple pa bisa cu Serlimar ta paga e pa Polisnan subi caya y sinta busca/rond tur esnan cu ta comete infraccion door di

corre sin rijbewijs, sin keuringskaart, sin asegurado.

Awor, si e propio colega aki di Ministro Wever a hasi esaki, sin duda Ministro Croes tambe lo a ser cataloga como infantil?...

Ki hilaridad, awor esnan cu kier cumpli cu Ley awor ta esunnan malo.

Ta parce cu ta ora ta coba den saco di pueblo trahador, e ora so mester cumpli.

Ta parce si cu ta solamente ora un sindicato ta di "acuerdo" cu e ponencia di e Ministro so, un sindicato ta responsable, ya cu ta Ministro Wever so ta Dios pa huzga ken ta o no ta responsable.

S.E.P.P.A. semper a lucha pa Boetnan pero no ta esaki ta loke trahadornan ta desea.

Ministro di Husticia, Sr. Rudy Croes tur ora ta pidi Serlimar brinda un bon servicio, e trahadornan ta

lucha pa esaki tambe. Pero esaki hamas por ta a costa di e Seguridad i/o Bienestar di e Trahador y tampoco pa actonan contra ley.

Na final S.E.P.P.A. y Direktie di Serlimar a yega na un bon entendimiento, un entendimiento na unda ningun partido mester di trata di ridiculiza ningun hende.

E ponencia cu lo a stoba un of otro trahador di drenta y hasi nan trabao ta keda pa e Ministro cu a bise of ripiti cosnan sin pia ni cabez., segun Sra. Brito

E ta sigui menciona cu loke pa S.E.P.P.A. ta conta cu e Direktie di Serlimar mes a wak cu esaki ningun momento no tabata e caso.

Den nomber di e trahadornan di Serlimar, un disculpa na nos pueblo pa motibo di e tardanza cu esaki por trece cu'ne pa recoge sushi, pero MIL biaha esaki cu cualkier dia e 'brake' di un di e trucknan aki laga bay y bo haya e truck pega den bo cas.

Of un truck mester bolter atrobe, cu tur consecuencia cu e por trece cu'ne, pa e TRUCKNAN di Serlimar ta wordo drecha, e ta termina cune.



BEST DEAL

Tel: 5827100

(Pariba di Aruba Bank, Paradera)



Pronkstuk Strawberry Stock nobo JEGA!